

George Goddard

Mòn

Mòn ka monté, ka désann
anba bèlté kouwonn
solèy-la
mòn ka monté, ka désann
solèy ka séché latè
kon pati'ou ka séché lam mwen

Mòn ka monté-désann lantman
ka éséyé konpwann vwèman
an lanmou ki bout
tèlman sibat

Montany ka tonbé-désann
ka soté anlè pou touché lé nwaj;
lé nwaj sèzon livèwnaj
ka pléwé à gwan lam
pou lanmou –
an lanmou ki ja dispawèt

À la fen, konm an vapè
é toujou tjè mwen vlé kwè
wou kai witounen
wou kai witounen à la fen

Mé mòn ka volé monté
ka plonjé désann èvèk van lanmè-a
é van ka vanté fèy sèk
tonbé hòd pyé bwa
ka simèwjé yo oliwon
an plizyè mòso tjè mwen-an